

性理大中

序

孔孟而後濂洛關閩

繼生夫義微言晦而

復顯乃歷世久遠統

緒易紛尤賴醇正篤
志之儒相與防維而
闡繹之勝國之初詔
諸詞臣纂脩性理大

全一書萃諸儒之精
義爲聖學之階梯其
有功於學者甚大也
予少有志於學披覽

是書多歷年所竊以
大全原編精微固多
榛蕪不少開卷之首
冠以太極諸儒之解

雜然繁興後學病之
思欲正其標準更其
次序俾原道盡性之
學止求簡易平實得

孔孟性近性善之本

旨合周程張朱體用

一源之緒言兼以融

會六經浸灌百氏一

切禮樂制度天文地
理兵刑律數之要次
第而條列之庶幾粲
然成章乎受職於

朝碌碌未遑顧常飫聞浙
中潛齋應先生著書
甚多於理學尤邃中
心嚮往者久甲子歲

奉

命撫浙下車以來每月之
吉集紳士耆艾而勗
之以希聖希賢通經

學古因周咨此邦之
文獻足以激頑勵俗
者衆咸推先生蓋先
生長往已幾三年而

流風餘韻藹然被於
兩湖之間人思之不
忘如此遂檄有司祀
先生於其鄉訪其家

嗣詢求遺書其子禮

璧禮琮首以性理大

中一編進閱之裒然

如所夙願不禁喟然

曰學者至此洵不易
覲先生雖以布衣老
然天之畀之不可謂
不厚矣賢哲之生曠

世而一遇或功業炳
蔚而文采未表於當
世文采著矣而詞章
無補於聖功卽儒者

殷殷慕道所受之質
未能醇和一言之偏
貽誤後世使學者猶
不能以無憾今先生

秉淑茂之資爲根本
之學於古今之名理
別其黑白索其精深
反覆再三必求無憾

而後已非所謂沛然
若江河之浸膏澤之
潤渙然冰釋怡然理
順者耶發明之功先

生任之表章之責豈
不在我爰捐俸授梓
俾世之志學者知正
宗之學在此方今

聖天子崇儒重道脩文德
以化成天下

翠華親臨於闕里式宮牆
而陳俎豆錄姬公濂

溪之後裔薄海內外
凜同文之治猗歟盛
哉蓋三代以來未有
盛於今日者也醇儒

之生實應景運先生

曾膺

徵命以疾固辭他日

詔求海內遺編進列

睿覽知先生名山藏稿皆

足輔養

君德啓沃

聖聰何止石渠天祿增輝

一代著作之選已乎
其標正學而襄萬世
太平之業則以是書
基之矣因妄自附於

先生之桓譚而俟後
之君子論定焉

嘗

康熙二十有五年歲次

丙寅仲春上浣

賜進士出身巡撫浙江等

處地方提督軍務都

察院右副都御史河

陽趙士麟拜撰

序

聖人之道集成於孔子而從孔
子之門入者莫醇於宋儒蓋立
誠立敬自吾夫子已推原於乾
坤之卦而精一危微之旨始渙

然於三才之合一程子朱子由
正學廢墜之餘精研其體用而
大啓其關鑰於是知夫子之立
說皆以乾道坤道定初學入德
之方而循循以造於資始資生

之域通幽明之故而知晝夜之
理不外於斯矣吾友應子嗣寅
束髮勵行從事於立誠立敬者
有年發憤著書以閑吾道所著
性理大中一書首以醇儒歸之

濂洛關閩以爲道統絕續之所
繫而黜揚子雲爲僭統王仲淹
爲僞統黜二家則凡近二家者
所必黜也僭則懼吾道之有桓
文也僞則懼吾道之有莽操也

傳經之徒章句呻嗶似無足錄
而所必存存傳經凡得聞聖人
之言者皆聖人之徒也以田何
伏鄭申毛戴馬左杜公穀諸公
謂之知道則不可謂非聖門之

羽翼股肱則不可也言性言命
而不棄雜儀言治已而不舍治
道謂內則少儀卽禮樂所由興
而經濟則至道所存也若放廢
典章而云老莊逃於空虛寂寞

而云証悟吾未見道之合也嗚
呼於鬱而不明散而無統之餘
而得應氏以整齊芟薙之嗣寅
於吾道可謂功臣矣吾嘗與嗣
寅述無極太極之傳私以象山

言不無俊快太過而以極爲中
未爲影響紫陽以太極同於一
物又云人所稟受至善之性卽
所謂太極亦未爲融化太極之
說周子手授二程而二程秘不

示人豈亦待人自悟不容指示
增擬議之見歟嗣寅往矣恨未
及竟此論也尚憶癸亥之冬嗣
寅初謝遺簡僅存予從其嗣君
處假得是編寒宵永漏展卷太

息知吾友平生之志終當表見
於世獨是道統盛衰吾學顯晦
遲速之間實有默主之者此非
其人不能彰闡之也自河陽王
峰先生來撫茲浙述先儒明正

學次第而及於應子嗚呼不可
謂非天也方躋之祀典尚其行
也繼侵遺書重其學也且詢其
嗣人給以膏火俾勉卒父業思
永其澤也嗚呼吾友著書之初

心雖不出此及應子之竟得傳
其學亦未始非著書之初心也
從此洙泗之源淵濂洛關閩之
統緒炳於日星矣譬之豐城舊
鐔拭以華陰光彩煥煜他日有

詣國門而購鴻寶者有望氣而
見耳書旣成敬書其簡端以誌
斯道之慶云

願圃同學弟顧豹文頓首

拜撰

序

吾鄉聘君應潛齋先生研
精理學嘗著性理大中一
編藏於家先生旣歿而河
陽玉峰趙先生來撫吾浙

梓其遺書以詔後學屬不
佞弁一言予自少壯登

朝去里門幾三十年不獲親承
警欵今者徒執筆而序其
遺書不已慙乎竊聞之春

秋以上祇一儒之名諄諄
辨義利分君子小人以爲
取舍漢興龍門氏作尊孔
子爲世家別弟子爲列傳
由此而有儒林有文苑作

名
二
史者歷代因之至宋史而
始立道學一門不佞遠俯
仰數千百年而知道學接
續之幾正世運汗隆人心
顯晦所倚伏也道統淵源

師承有自統衰於秦東西
漢繼之隱於魏晉漫滅於
南北朝一綫之緒唐繼之
閱五代而統幾絕矣至宋
而始大闡之嗚呼道由儒

而顯儒必因道而傳關閩
濂洛生千百年之後比肩
接踵以嗣以續直接孔子
之真傳而儒學遂振興於
天下先生上自孔子下及

諸儒辨晰幾微叅訂同異
知有宋以前幸存而不絕
者爲何人之功有宋以後
歷元而明傳而弗失者爲
何人之力殫數十年之精

力以成是書其間體用兼
該精粗合一使聖賢精義
微言燦然日星麗而江河
流固非章句小儒所能窺
其堂奧也其曰性理大中

者何蓋人秉是性卽具是
理先儒有言性卽理也學
者苟能窮理盡性自一身
一家推而至於治國平天
下凡夫日月五行之所以

序君臣父子夫婦之所以
定位師田學校禮樂律曆
之所以修明莫不條貫犁
然經緯畢具達而在上知
以此治世則治不以此治

世則亂窮而在下知以此
治身則吉不以此治身則
凶是卽修道立教無過不
及之旨所謂大中也先生
又曰孔子立教如是鉤深

致遠人自爲書又曰學術
一則治道一治道一則入
心一堪與玉峯先生敬一
一編互相發明其有裨來
學詎淺鮮哉先生著述等

身他未刻書尚多悉藏於
其家子禮璧禮琮類能世
其家學云

康熙二十五年歲次丙寅四
月穀旦

賜進士出身日講官翰林院侍
講學士同里後學邵遠平

戒菴氏拜誤

性理大中參閱定本姓氏

湯 斌潛菴父

睢陽

孫枝蔚豹人父

三原

林雲錦西仲父

晉江

顏光敏脩來父

曲阜

徐乾學健菴父

崑山

徐秉義果亭父

崑山

秦松齡對巖父

梁溪

許三禮典三父

天中

程 汲西邨父

新安

顧祖禹景范父

梁溪

魏 禮和公父

寧都

嚴繩孫蓀友父

梁溪

汪 楫舟次父

江都

潘 耒稼堂父

松陵

陸隴其稼書父

當湖

徐嘉炎勝力父

秀水

陳錫嘏介眉父

甬上

毛際可會侯父

遂安

方象瑛渭仁父

遂安

仇兆鰲滄桂父

甬上

王鐸爾公父

慈溪

蔡方炳九霞父

古吳

宋瑾豫菴父

新安

趙衍聲遠父

東陽

張右民用霖父

仁和

關鍵蕉麓父

錢塘

楊肅靖調父

仁和

汪澂若干父

仁和

張允焄伏生父

仁和

陸堦梯霞父

仁和

顧豹文且菴父

仁和

邵遠平戒菴父

仁和

徐旭齡敬齋父

仁和

陳戩天板父

仁和

吳山濤岱觀父

禹航

丁文策叔范父

錢塘

丁 澎葑園父

仁和

王嗣槐仲昭父

錢塘

毛先舒稚黃父

仁和

顧鳳文令威父

仁和

彭兆聲駿聞父

仁和

吳任臣志伊父

錢塘

陳晉明康侯父

武水

馬天閑鳴九父

錢塘

沈晉垣亮宸父

仁和

陳 易潮生父

海昌

許全可欲爾父

海昌

施 相贊伯父

錢塘

陸嘉淑冰脩父

錢塘

秦雲爽定叟父

仁和

沈峻會開先父

仁和

吳農祥慶伯父

海昌

陸次雲雲士父

錢塘

林璐鹿菴父

仁和

屢曾集柱峰父

禹航

吳震方青壇父

石門

翁世庸東山父

錢塘

汪霏東川父

錢塘

徐林鴻寶名父

錢塘

董宗原老泉父

禹航

顧自俊秀升父

錢塘

俞森存齋父

錢塘

沈蘭或方稷父

錢塘

張孔昭天名父

禹航

朱錫丸膽生父

錢塘

于養淳文起父

錢塘

陳康吉雲父

錢塘

沈增大音父

歸安

郎廷豫潛長父

仁和

孫浣思嘉客父

仁和

性理大中較閱姓氏

沈佳 潘蔭繁 戴圖業 凌嘉印

沈楷 柳志文 羅曉 姚冰

嚴樽 趙承烈 吳先舒 吳正名

項景橐 邵方平 顧永年 王十華

馬浩持 顧之瑀 陳季方 翁世衡

汪煜 顧之珩 沈士菁 翁嵩年

顧之璿 章撫功 關仙圃 馮景

邵聲遠 姚弘狂 陳正宸 沈士則

邵錫蔭 王丹林 諸殿觀 馮昌言

張穎韓 嚴曾縈 項灝 沈穎錫

陳曾菽 吳袞 沈鏞錫 陸寅

陸豐 顧之璣 邵錫榮 吳容

項溶 陸正夫 張穎荀 陳調元

湯右曾 洪昇 章藻功 張靄生

徐珩 陳宗聖 趙為章 陸繁條

倪璠 馮遵京 項湛 俞時耀

柴世疆 張士驥 沈誕登 關嵩

馮乾元 沈毅中 吳卜雄 沈瓚錫

沈彤錫 葛殿楨 錢俊騫 屠樹聲

俞美英 孫孝楨 馮治 陳恂

顧之珣 顧之璵 項泓 周紹賢

朱式曾 吳及肯 馮瀛 張方仲

王茂芳 薛大智 倪瑞錫 岑之仁

查承恩 朱尚德 姚廷愷 汪翼

胡槐 胡淇 顧之秀 翁介然

陳會菴 萬經 顧之珽 嚴啓燿

毛熊臣 柴世堂 徐克堅 陸冠咸

項淞 黃應甲 王澄 許登奎

林源 俞查軾 吳也魯 汪杲璿

陳虞存 許謝樹 陳堯相 孫嗣堦

謝永錫 吳愈弘 汪爲光 薛大成

吳磊 趙正枚 朱銑 吳坤綦

潘洪 徐英 沈度 張現

邵錫周 洪鰲 邵維之 沈晉錫

弟允謙 甥郁源 姪一夔 甥孫經

性理大中原序

予生於東南之偏而得性近中自二三歲時卽知讓
食爲父母所稱不幸少長適當邦國殄瘁之際風俗
以詼嘲相尚言道學者輒爲厲禁所謂河魚不得明
目雖繩尺自守不敢放言畸行爲決裂名教之戎首
然偃偃乎如無相之瞽將十年所使本明之性寢微
寢滅不絕如綫流離患難遭逢鞠凶而後此心瑩然
哉生猶於存亡之介堅壁相持又四三年方始稍定
思予少時本業文字因及性理一書自視其才有不

止於可文已者其後因循怠廢在已既不篤於親師
取友亦未有苦口之朋以此事相責成幸其所以迷
而知警顛而復興惶懼驅策於胸中而不敢卽安於
小人者皆以此書爲之始然以家貧寡書卽此書亦
未免假之於友人而未有藏本庚寅歲羅生曉從予
遊年十有四聞予所誦性理之說而好之卽與往市
於坊間則見小說時文巋然徧列而此書無有也走
十里始得之於故書肆中予喜甚攜歸日點次數章
以曉與朱生弘正年學相及使偕肄焉嘗謂性理一

書頗易明了但當時輯書諸儒不以平易之說人道之常先之爲教而冠以太極一圖又諸儒之解繁然雜出使有志者困於榛蕪無志者堅其怠厭心頗病之意欲更其篇籍刪其繁支訂以己意補其闕略而病耗之餘獨力難就間與同齋諸子論列及之諸子欣然各任校錄之責不數月此書遂成戴生圖業錢生濟蕭生觀燾程生泰賡咸與力焉而曉與弘正之力尤多蓋自是而原道繫統讀書明性主敬窮理脩己治人之序粲然可循也噫此書之繫亦重矣或以

學識寡陋妄行脩改爲罪者予不敢辭其責倘或後之人有取焉而以爲小有裨於天下後世則諸子之功也抑予又有望焉古之著書非獨爲人而已懼方寸之地出此入彼不得不假至言以脩心而作善成朋方能有立若出入交游左右省覽皆非正言正事欲立志則莫與開發欲致知則莫與講明欲力行則莫與輔翼祇恃此惺然一心力戰於羣靈積晦之中吾知其難也方今兵荒接軫天之方怒重以疾威豈非以存心養性事天者鮮其人乎嘗怪伊尹以有莘

匹夫思天下之大有一人不被堯舜之澤者若已推而納之溝中立心疑爲太遠以今推之天下之失治實儒者之責也朱子有言兩軍相當站定者勝程子有言一德立而百善從之今吾與諸子生於末俗如築塘海濱雖積土成山不難波蕩必用生鐵灌爲基址務令潮汐日至此基不搖則從此以往次第加功絕非難事謹言語慎威儀近者德遠燕朋立心之方無過此矣錢塘應橋謙原序

重訂性理大中序

天下之人材至難得也天生萬姓而其中有明睿者
出焉天必不使之豐衣厚食以豢養終其世而已必
從而艱難之成就之蓋人稟陰陽之氣有嗜欲之性
不能無流不能無亢必歷諸艱而其德始固所謂五
行以剋相成者是也君子信其在己者知其在天者
不敢棄而褻之兢兢思所以自成旣以體諸己又以
推諸物在上則治人在下則教人行則見諸事藏則
傳諸書此君子所以事天而盡己之職也世或不求

其實而欲以著述微名於後故言愈多而愈離於道且不得與草木之秀競一時之榮亦可哀已善學者不然本身徵民而憂世覺人之心貫乎金石因心之誠而時發焉垂爲訓典在時則如耒耜陶冶之切於用出乎一室之中而事功之應極乎天地非苟而已也乃不知者則以君子之矻矻窮年與好名之士同類而譏之謂語言文字徒紛紜耳吾人若畏此譏將閉目危坐以遣長日任生心害政之言徧行海內方稱爲已之學哉農耕於野官勤於朝商賈廬於市爲

士者脩身束行不敢荒怠述前謨開來學不問世之
知不知學之傳不傳而天壽不貳此所以事天而盡
已之職也又何恤乎人言性理大全一書永樂間諸
儒所輯先賢之格論予向者館華藏寺不揣曾脩敘
之顏爲大中尚有闕略焉越六年初遷臨平閒居無
事手訂成書以爲聖人之道從是以入必可達也後
復二十六年歲有增改庶少遺缺抑予又有懼焉陽
明王氏有言世之學者謂聖人之道勞苦無功非復
人之所可爲而徒取辨於言辭之間古之人有終身

不能究者今吾皆能言其略自以爲若是亦足矣而
聖人之道遂廢旨哉乎其言之也讀是書者其念天
之所以與我而艱難成就之毋徒能言其略而爲陽
明氏所痛哉康熙辛酉仲春錢塘應撝謙謹序

性理大中凡例

一向欲以語錄曉初學因其所有唯主刪耳而衆理未備不得已有增入者

一此書專明性理竊謂先儒以理釋性疑有未盡不揣愚鄙妄有辨析僭踰雖極然此理或明當有小補

一此書所述起自濂洛然自聖學失傳之後開闢洪荒豈無所自所以有道統之序然嘉言自漢唐以來累累而不敢攙入以亂舊例

一舊集止載宋元諸儒重校時增入文清文成二語
蓋文清乃朱學之守成文成崛起間有異同本傳
備論以俟折衷

一原集程子語多從刪改今從程子遺書訂定朱子
說性理中載者大旨最詳略從朱子大全爲之增
刪有小不備者不復求詳也

一諸書唯通書全載正蒙經世書節錄文公家禮及
易學啓蒙及蔡氏律呂新書皆可自成一書單行
於世若蔡氏洪範數則廢之可也

一先儒詩學本非所長今不具載錄其一二係學問者

性理大中引載先儒姓氏

昌黎韓子

愈文公退之

濂溪周子

惇頤元公茂叔

明道程子

顯純公伯淳

伊川程子

頤正公正叔

康節邵子

雍堯夫

橫渠張子

載明公子厚

魏公韓氏

琦忠獻稱圭

安定胡氏

爰翼之

涑水司馬氏

光文正君實

山谷黃氏

庭堅魯直

榮陽呂氏

希哲原明

元城劉氏

安世器之

廣平游氏

酢定夫

上蔡謝氏

良佐顯道

常山劉氏

綯質夫

緱山李氏

顓端伯

藍田呂氏

大忠

晉伯

藍田呂氏

大臨

與叔

京兆呂氏

大鈞

和叔

武功蘇氏

駟

季明

龜山楊氏

時中立
文肅

河東侯氏

仲良

師聖

壽安張氏

繹

思叔

和靖尹氏

焯

彥明

華陽范氏

祖禹

淳甫

河間劉氏

立之

安禮

永嘉劉氏

安飾

元承

河南朱氏

光庭

公接

東平馬氏

紳

時中

陳氏

瓊
忠肅

瑩
中

河間邢氏

恕

和叔

武夷胡氏

安國
文定

康侯

致堂胡氏

寅

明仲

五峰胡氏

宏

仁仲

豫章羅氏 從彥 仲素

延平李氏 侗 應中

考亭朱子 熹 仲晦

樂菴李氏 衡 彥平

南軒張氏 拭 敬夫

象山陸氏 九淵 子靜

東萊呂氏 祖謙 伯恭

勉齋黃氏 榘 直卿

西山蔡氏 元定 季通

九峰蔡氏 沈 仲默

北溪陳氏 淳 安卿

果齋李氏 方子 正叔

潛室陳氏 埴 器之

范陽張氏 九成 子韶

西山真氏 德秀 景元

李氏 燾 敬子

鶴山魏氏 華父 了翁

雙峰饒氏 魯 仲元

先儒姓氏 卷首

秦溪楊氏 後

李氏 士英 幼青

鄱陽馬氏 端臨

魯齋許子 衡 平仲 文正

臨川吳氏 澄 幼清

李氏 希濂

邵菴虞氏 集 伯生

古洲馬氏

陳氏 剛

敬軒薛子 瑄 伯溫 文清

陽明王子 守仁 伯安 文成

補遺

范氏 仲淹 希文 文正

盱江李氏 觀 太伯

王氏 蘋 信伯

性理大中目次

卷之一

道統

天命之謂性率性之謂道此書所言人道也
中道也聖人人倫之至匪孔子將誰法乎作
道統

卷之二

傳經諸儒

聖王不作聖人之道祇在諸經若無周秦間

諸儒以死守之則後人雖欲學道亦安知乎
考其源流略存姓氏

歷代道統

奉夫子之道者代必有人心有純雜斯治有
汙隆心有真僞斯治有邪正心有存亡斯治
有絕續作歷代道統

卷之三

儒紀一 周子 明道程子

醇儒之生斷自濂洛今性理所載止有論列

不存事實使後學不知其人何繇仰法述儒

紀

卷之四

儒紀二 伊川程子 程子門人

卷之五

儒紀三 李延平先生 朱子 朱子門人

卷之六

儒紀四 魯齋許子 敬軒薛子

卷之七

儒紀五

陽明王子

卷之八

讀書法

性理原編讀書法敘在心學之後蓋以學不專在讀書也今乃移之於前何也曰此書亦書也苟不知讀書之法雖復言心言性教以力行其誰知之

小學

小學學之本也

卷之九

論志學 論進學 論爲學之要 論爲學之
方 知行 致知 力行 求師

卷之十

性 命 心 情 志 意 思 才

先性先命欲人知所受於天也次心欲人全
所受於已也曰情曰志曰意曰思曰才皆心
性之所出也

卷之十一

仁 仁義禮智 誠 信 忠 恕 道 理
德 中

凡諸道德之名論其本然者如此明其體而後功用加焉

卷之十二

人倫

五常之德具於心五常之典交於外人道之要也知此而加功者不謬矣

存心 養性

卷之十三

威儀 言語 處事 安遇 出處 名實

與人 觀人 省察 克治

卷之十四

教人

正己而後教人

宗法

教人先於家宗者家之主也

居家雜儀

文公家禮自成一書今不編入止取司馬氏
居家雜儀備正家之法

卷之十五

鄉約

由家及鄉孔子曰觀於鄉而知王道之易易
也

卷之十六

君道 君德 聖學 儲嗣

四者治之本也成君德行君道舍學何以哉

臣道

卷之十七

治道總論 王霸 郊社 宗廟

敬祀治所先也

卷之十八

用人 求賢 舉選 蒞政

其人存則其政舉

卷之十九

賞罰 法令 井田屯田限田 經界 賦役

理財 節儉 救荒

法立而後國可治養得而後教可興

禮樂 學校 人才

卷之二十

封建郡縣 諫諍 諡法 論刑 論兵 禎

異

卷之二十一

天地 測天經 日月 閏月 歲差 五緯

卷之二十二

天氣 地理

卷之二十三

理氣 太極 兩儀 五行 四時 鬼神

繫天地陰陽於治道之後者先顯而後隱也

卷之二十四

異學 南北道統論

審異而致同

卷之二十五

史學 論史

史學所以暢經之枝也

卷之二十六

科舉之學 文學 詩學 字學

科舉之學所以明經術觀心術也文也詩也
字也皆藝也而道亦寓焉溺之皆累也

卷之二十七

諸儒 諸子

卷之二十八

太極圖說

見前 通書 附拙賦

西銘

正蒙粹語

皇極經世書粹語

附觀易觀物詩二首

數書皆諸大儒之微言也非學者所易曉故
後之欲其先明語錄而深玩成書也

性理大中卷之一

錢塘應撝謙嗣寅父編集

河陽趙士麟玉峯父鑒定

道統

孔子 以周之魯襄公二十二年庚戌之歲。生於魯昌平鄉陬邑。

中庸曰。仲尼祖述堯舜。憲章文武。上律天時。下襲水土。辟如天地之無不持載。無不覆幬。辟如四時之錯行。如日月之代明。

又曰唯天下至聖。爲能聰明睿知。足以有臨也。寬裕溫柔。足以有容也。發強剛毅。足以有執也。齊莊中正。足以有敬也。文理密察。足以有別也。溥博淵泉而時出之。溥博如天。淵泉如淵。見而民莫不敬。言而民莫不信。行而民莫不說。是以聲名洋溢乎中國。施及蠻貊。舟車所至。人力所通。天之所覆。地之所載。日月所照。霜露所隊。凡有血氣者。莫不尊親。故曰配天。

又曰君子之道。本諸身。徵諸庶民。考諸三王而不

謬。建諸天地而不悖。質諸鬼神而無疑。百世以後
聖人而不惑。

易象曰。大哉乾元。萬物資始。乃統天。雲行雨施。品
物流形。大明終始。六位時成。時乘六龍以御天。乾
道變化各正性命。保合太和。乃利貞。首出庶物。萬
國咸寧。

文言曰。夫大人者。與天地合其德。與日月合其明。
與四時合其序。與鬼神合其吉凶。先天而天弗違。
後天而奉天時。天且弗違。而況於人乎。況於鬼神。

乎。

撝謙曰。乾六爻文言。皆夫子自道也。○聖人。人倫之規矩也。使孔子生而爲君。則爲下之極亡矣。使孔子生而爲民。則爲上之極亡矣。潛見惕躍飛亢。時乘以御天。聖人。人倫之規矩也。

繫辭傳曰。乾以易知。坤以簡能。易則易知。簡則易從。易知則有親。易從則有功。有親則可久。有功則可大。可久則賢人之德。可大則賢人之業。易簡而天下之理得矣。天下之理得而成位乎其中矣。

子曰。我學不厭而教不倦也。又曰。無可無不可。又曰。其爲人也。發憤忘食。樂以忘憂。不知老之將至。云爾。又曰。吾十有五而志于學。三十而立。四十而不惑。五十而知天命。六十而耳順。七十而從心所欲。不踰矩。又曰。述而不作。信而好古。又曰。老者安之。朋友信之。少者懷之。

鄉黨敘孔子之言行。其篇終曰。色斯舉矣。翔而後集。

曾子曰。夫子之道。忠恕而已矣。

宰我曰。以予觀於夫子。賢於堯舜遠矣。有若日出於其類。拔乎其萃。自生民以來。未有盛於孔子也。孟子曰。孔子。聖之時者也。又曰。可以仕則仕。可以止則止。可以久則久。可以速則速。孔子也。又曰。仲尼不爲已甚者。

程子曰。仲尼。元氣也。又曰。上古之時。自伏羲堯舜。自夏商。以至於周。或文或質。因革損益。其變旣極。其法旣詳。於是孔子參酌其宜。以爲百王法度之中制。

撝謙按天地之生恃人道之立。人道之立恃五德之明於天下。曰仁。曰義。曰禮。曰智。曰信。殺一不辜。非仁也。非其有而取之。非義也。無等不讓。非禮也。去是就非。非智也。言行欺其心。非信也。五者一不明。則亂自此生矣。故夫子之道。惟敬明此五者。以此爲心。以此爲行。以此爲言。守先待後。確乎其不可拔。允執其中。以立天地之心。而人心恃以不亡。故其道無定位。無專氣。無成名。而無用之用。其用乃大。

顏子

問顏子如何學孔子。到此深邃。程子曰。顏子所以大過人者。只是得一善。則拳拳服膺。○問顏子勇乎。曰。孰勇於顏子。觀其言曰。舜何人也。予何人也。有爲者亦若是。孰勇於顏子。如有若無。實若虛。犯而不校之類。抑可謂大勇矣。○顏子默識。曾子篤信。

問顏子之學。莫是先於性情上著功夫否。朱子曰。然。○問先生舊云。顏子優於湯武。如何見得。曰。這

般處說不得。據自看。覺得顏子渾渾無迹。

撝謙曰。舜何人也。予何人也。有爲者亦若是。可
以見顏子之志。博文約禮。可以知顏子用功之
方。得一善。拳拳服膺。三月不違。見顏子之仁。聞
一知十。見顏子之智。語之不惰。見顏子之勇。有
不善未嘗不知。知之未嘗復行。見顏子之省克。
不違如愚。見顏子之沉默。欲罷不能。見顏子之
樂去聲學。以能問於不能。以多問於寡。見顏子之
下問。有若無。實若虛。無伐善。無施勞。見顏子之

廣大不遷怒犯而不校見顏子之純和一簞食一瓢飲在陋巷不改其樂見顏子之無欲子在回何敢死見顏子之慎莫容何病見顏子之立用之則行舍之則藏見顏子之權觀夫子語以爲邦見顏子之略卽其所至直可儷於堯舜有爲者亦若是聖人實不妄言。

曾子

程子曰曾子傳聖人道只是一个誠篤語曰參也魯如聖人之門子游子夏之言語子貢子張之才

辨聰明者甚多。卒傳聖人之道者。乃質魯之人。人。只要一个誠篤。

聖人說忠信處甚多。曾子孔子在時甚少。後來所學不可測。且易簣之事。非大賢以上作不得。曾子

之後有子思。便可見。

史記年譜恐不可信。以論語證之一貫之。唯門人不知而

曾子獨知之。若少年如此。此乃大敏。非魯也。故朱子註以爲真積力久之後。

又曰。曾子易簣之際。志於正而已矣。無所慮也。與行一不義。殺一不辜。而得天下。不爲同心。

爲謙曰。曾子之質本魯。然其學慎獨省身。主忠

行恕容貌顏色辭氣嚴實持循仁以爲己在死
而後已篤信聖傳體受歸全故一貫之旨唯會
子得之然觀其慕顏子之若無若虛嫌子張之
堂堂責子夏之疑於夫子則又切己小心絕無
矜張之態真學者入德之門也

子思

朱子曰會子大抵偏於剛毅這終是有立脚處所
以其他諸子皆無傳唯會子獨得其傳到子思也
如此剛毅孟子也如此剛毅惟是有這般人方始

湊合得著。惟是這等剛毅人。方始立得定。子思別無可考。只孟子所稱。如摽使者出諸大門之外。北面稽首。再拜而不受。如云事之云乎。豈曰友之云乎之類。這是何等剛毅。

撝謙曰子思之學。見於中庸。其學戒慎恐懼。於不睹不聞之地。闔然自脩。使性情一歸中和。至於語化行之際。無聲無臭。天地自位。萬物自育。則非夫子未足當此。恐尚爲造道之微言。而未必身底其域。然亦可謂聰明聖知。達天德者矣。

孟子

韓子曰。孔子之道。大而能博。門弟子不能徧觀。而盡識也。故學焉而皆得其性之所近。其後離散。分處諸侯之國。又各以所能授弟子。原遠而末益分。蓋子夏之學。其後有田子方。子方之後。流而爲莊周。故周之後。喜稱子方之爲人。荀卿之書。語聖人必曰孔子子弓。子弓之事業不傳。惟太史公書弟子傳。有姓名字曰馯臂子弓。子弓受易於商瞿。孟軻師子思。子思之學。蓋出曾子。自孔子歿。羣弟子

莫不有書。惟孟軻氏之傳得其宗。

搗謙按孔子後伯魚卒。子思已長。而孟子稱由孔子而來。百有餘歲。則疑不能相及。史記稱受業於子思之門人爲確也。

程子曰。孟子言已志。有德之言也。論聖人之事。造道之言也。

和靖尹氏曰。趙岐謂孟子通五經。尤長於詩書。岐未爲知孟子者。某謂孟子精通於易。孟子踐履處。皆是易也。試讀易一遍。然後看孟子便見。

五峰胡氏曰。孟子生世之大弊。承道之至衰。蘊經綸之大業。進退辭受。執極而不變。用極而不亂。屹然獨立於橫流。使天下後世。曉然知強大威力之不可用。士所以立身。大夫所以立家。諸侯所以立國。天王所以保天下。必本諸仁義也。偉哉。

問孟子露其才。蓋亦時然而已。豈孟子亦有戰國之習否。朱子曰。亦是戰國之習。如三代人物。自是一般氣象。左傳所載春秋人物。又是一般氣象。戰國人物。又是一般氣象。

爲謙曰。孟子以性善爲本。以仁義爲綱。以知言
養氣爲學。以推心行政爲用。以救世爲心。其功
莫大於專崇孔子。貴王賤霸。尚義闢利。距楊墨。
辨告子陳仲子許行子莫鄉愿之非。表章大舜
禹稷顏曾子思之微。正癰疽寺人割烹自鬻之
謬。其言如日用之需。纖微不可缺失。舉後世之
所爲邪說誣民。害於聖道者。莫不朕兆於戰國
之時。以見正於孟子。真聖門之鷹揚。大道之屏
捍。或疑其英氣害事。不知炎酷之後。不繼以秋

霜毒螫何由而歛。

程子曰。仲尼。元氣也。顏子。春生也。孟子。并秋殺盡見。仲尼。天地也。顏子。和風慶雲也。孟子。泰山巖巖之氣象也。

撝謙曰。虛而不盈。藏而未發。顏子。冬之中德也。乾元統天。忠恕貫道。曾子。春之中德也。體中明性。品物咸章。子思。夏之中德也。衛義闢利。正性立命。孟子。秋之中德也。原其始。則顏子以啓曾子。曾子傳子思。子思傳孟子。

德行諸賢

閔子

西山真氏曰。閔子言行。見於論語者唯四章。合而言之。見其躬至孝之行。辭不義之祿。氣和而正。言謹而確。此其所以亞於顏淵。而與曾子並稱也。歟。

有子

搗謙曰。論語次章。卽載有子之言。第四章。卽載曾子之言。可見聖門最重有子。而子夏子游子張。欲以所事孔子事之。疑若有西河之罪。然視

孟子載有子推尊孔子之言。可謂至矣。豈三子之識自不足乎。

冉伯牛

冉仲弓

撝謙曰。伯牛言行無可攷見。然觀論語載之德行。孟子稱其具體。而將死之際。夫子惜之。亞於顏淵。必有異於諸賢者矣。仲弓之賢。夫子許以南面。今觀其從事於敬恕。行簡而言不佞。可使南面之由。不在是乎。

諸賢

子貢

程子明曰。子貢之智。亞於顏子。知至而未至之也。
○築室於場。六年然後歸。則子貢之志。亦可見矣。
他人如子貢之才。六年中待作多少事。豈肯如此。
撝謙。按夫子但謂子貢不如顏淵。而又發之以
一貫。則其識之明敏。殆非諸賢所及其言。由百
世之後。等百世之王。莫之能違。而孟子信之。豈
易至乎。

子路

或問孔子許子路升堂。其品第甚高。何以見。龜山楊氏曰。觀其死。猶不忘結纓。非其所養素定。何能爾耶。苟非其人。則遑遽急迫之際。方寸亂矣。

朱子曰。子路全義理。○孟子極尊敬子路。○夫子乘桴之歎。獨許子路之能從。而子路聞之。果以爲喜。且看此等處。聖賢氣象。是何如。世間許多紛紛擾擾。如百千蚊蚋。鼓發狂鬧。何曾入得他胸次耶。若此等放不下。更說甚克己復禮。直是無交涉也。

○子路仕衛之失。前輩論之多矣。然却是見不到。非知其非義而苟爲也。

子羔

家語載子貢曰。自見孔子。出入於戶。未嘗越禮。往來過之。足不履影。啓蟄不殺。方長不折。執親之喪。未嘗見齒。是高柴之行也。孔子曰。柴於親喪。則難能也。

子夏

朱子曰。子夏是個謹守規矩嚴毅的人。

子游

朱子曰。吳公言偃。悅周公仲尼之道。北學於中國。身通受業。遂因文學以得聖人之一體。豈不可謂豪傑之士哉。今以論語攷其話言。類皆簡易疏通。高暢宏達。其曰本之則無。雖若見誦於子夏。然要爲知有本也。則其所謂文學。固宜有以異乎今世之文學矣。旣又攷其行事。則武城之政。不小其邑。而必以詩書禮樂爲先務。其視有勇足民之效。蓋有不足爲者。至使聖下之下絕爾而笑。則其與之

之意。豈淺淺哉。及其取人。則又以二事之細而得滅明之賢。亦其意氣之感。歟。有以相契者。以故近世論者。意其爲人。必當敏於聞道。而不滯於形器。豈所謂南方之學。得其精華者。乃自古而已然耶。

子張

問聖門學者。如子張。全然務外。不知如何地學。却如此。朱子曰。他在聖門。亦豈不曉得爲學之要。只是他資質是個務外的人。所以終身只是這意思。子路是個好勇的人。終身只是說出那勇的話。而

今學者閒時都會說道理當何如。只是臨事時依前只是他那本來面目出來。都不如那閒時所說者。

曾點名哲

朱子曰曾點之學。蓋有以見夫人欲盡處。天理流行。隨處充滿。無少欠闕。

子賤姓名不齊

高容名适又名縉諡敬叔

公西赤名赤

冉有名求

撝謙按論語於門人多稱字於冉有聚斂獨削其姓字直稱求也。以示鳴鼓之意。於自譏不足則稱冉求。至爲友母請粟則進而稱子。其例嚴矣。

漆雕開

程子曰漆雕開已見大意

澹臺子不名滅明

原思名憲

性理大全
卷之三
宰我名予

樊遲名須

公冶子長名長

司馬牛名耕

陳子禽名亢

巫馬子期名期

顏路名絲

琴張名牢

牧皮

申子周名棖

史作申黨先儒以棖或誤爲棠而又誤爲黨

以上諸賢俱見四書

除子思孟子而外共三十人

商子木名瞿

公良子正名儒

梁叔魚名鱣

公皙季次名哀

冉子魯名儒

顏子柳名幸

伯子析名虔

性理大全
卷之五
三
公孫子石名龍

曹子循名卹

秦丕茲名商

顏子驕名高

叔仲子期名會

孔子蔑名弗

家語作孔子兄孟皮
之子史記注名志

以上諸賢顯有年名及受業聞見於書傳史記
家語云又共十三人

秦子南名祖

奚子皙名容蒧

卽點字

公祖子之名句茲

廉子庸名潔

公西子上名輿如

罕父子索名黑

公西子上名蒧

壤子徒名駟赤

冉子產名季

薛子徒名邦

史記誤薛作鄭又避漢高祖諱改邦爲國見家語註今惟從祀鄭國

后子里名處

左子行名人郢

狄子皙名黑

商子季名澤

任子選名不齊

榮子祺名祿

顏子聲名喈

原子藉名亢

公子申名堅定

秦子之名非

燕子思名伋

及門既有名伋字思。夫子恐無復名字其孫之理。此有誤無疑。家語伋作級。

公子棗名夏首

甸子疆名井疆

步子車名叔棗

石子明名作蜀

邽子斂名選

施子恒名之常

樂子聲名欬

顏子叔名之僕

漆雕子斂名哆

懸子祺名成

顏子襄名祖

鄒子家名單

秦開名冉

顏冉名何

漆雕徒父

自秦子南以下。共三十六人。其行事無攷。見史

記。

懸子象名直

右一人見家語。

自四配外。孔子弟子共七十八人。不應七十二賢之數。如公孫龍。則戰國時爲三耳之辨者。觀其與孔穿辯論。必不及門於孔子。或別是一人耶。至其甚者。公伯寮。愬子路。致景伯有肆市之憤。孔子與道廢之歎。而太史公猶置之諸賢之列。則其中自不免有誤也。問懿子受業。明見於

論語及左傳而史記及家語所傳七十子之列

不與焉。豈不與身通六藝之數耶。搗謙曰。昭公伐季氏。使郈昭伯逆懿子。懿子執而殺之南門之西。不臣之罪。理當誅絕。孔子但以其爲宗國之大夫。弗可絕耳。其可與七十子同類而道耶。冉求聚斂。尚在鳴鼓之攻。懿子之非徒。不問可知也。○夫子默行人道。當時知者鮮矣。然子禽之流。以子貢賢於仲尼。而子貢以爲何敢望回。顏子無言不說。而聖門有疑夫子之教者乎。顏

子有若無。實若虛。而有敢伐善於聖門者乎。子曰。吾得回也。而門人益親。有以也。聖門之勇。無若子路。於見南子。則不說。欲往公山。則不說。未嘗稍寬於夫子。自會子以下。皆畏之。有敢戲侮於聖門者乎。子曰。吾得由也。而惡言不入於耳。有以也。成人有兄死而不爲衰。聞子羔將爲成宰。乃爲之衰。有敢惰行於聖門者乎。衆星拱而北辰。可以無爲矣。